

USLOVI ZA OSIGURANJE STAKLA OD LOMA**1. PREDMET OSIGURANJA****Član 1.**

- (1) Predmeti osiguranja u smislu ovih Uslova mogu biti:
- Sve vrste stakla, svijetleći natpisi i reklame; slike natpisi i ukrasi izrađeni na osiguranim staklima; ploče mermerne i od vještačkog kamena na stolovima, pultovima, regalima i slično; porculanski umivaonici, klozetske šolje i ogledala ulična (za regulisanje saobraćaja); kulturni, istorijski i nadgrobni spomenici od kamena, betona i metala. Uz svijetleće natpise i reklame osigurani su i nestakleni dijelovi i ramovi koji čine njihov sastavni dio;
 - Neonske i ostale svjetleće cijevi sa pripadajućim uređajima i bez njih.
- (2) Ne mogu biti predmet osiguranja:
- predmet od šupljeg stakla na svjetiljkama i reflektorima, tijela za osvjetljavanje svih vrsta; lampe (cijevi), rentgenske, kvarcne, radio-televizijske i druge; stakla koja se koriste kao oruđa za rad u procesu proizvodnje; sočiva i staklene kugle; zalihe stakla i staklene robe svake vrste;
 - naprsle i oštećene stakla;
 - stakla u oštećenim okvirima.
- (3) Osigurane su samo stvari označene u ispravi o osiguranju.

1.1. Osigurane opasnosti (rizici) i obaveze osiguravača**Član 2.**

- (1) Osiguranjem po ovim Uslovima pruža se osiguravajuća zaštita od uništenja ili oštećenja osiguranih stvari zbog ostvarenja bilo koje opasnosti (rizika) kojima su izložene osigurane stvari, osim za štetu prouzrokovanu:
- prilikom premještanja ili namještanja osiguranih stvari u prostorijama koje nisu označene u ispravi o osiguranju;
 - ogrebotinom, izjedanjem i sličnim oštećenjima na površini osiguranih stvari;
 - klizanjem i slijeganjem tla;
 - kod nadgrobnih spomenika prilikom otvaranja i zatvaranja grobnice.
- (2) Ako se to posebno ugovori osiguravač će biti u obavezi takođe da isplati naknadu i za štetu:
- na slikama, natpisima i ukrasima, ako je šteta prouzrokovana od istog štetnog događaja, kao i šteta na samoj osiguranoj stvari na kojoj se nalazila slika, natpis ili ukras;
 - na stvarima smještenim u izlogu, oštećenim ili uništenim od direktnog udara osiguranih stvari .
- (3) Ako se ugovori osiguranje neon cijevi sa ostalim pripadajućim uređajima, osiguranje pokriva i štete usljed neposrednog dejstva električne struje (kratkog spoja), požara kablova, obrazovanja svijetlećih lukova i sl. na nestaklenim dijelovima i štete uslijed grešaka u konstrukciji, livenju i materijalu, ukoliko za ove štete nije u obavezi isporučilac, i posebnih pogonskih nezgoda ukoliko one nisu neposredna posljedica trajnog uticaja hemijskih (korozija, oksidacija), termičkih ili mehaničkih uzroka, istrošenosti, starosti, lošeg održavanja ili dotrajalosti zbog redovne upotrebe, pa makar i prijevremeno. Štete usljed posebnog dejstva atmosferskog elektriciteta obuhvaćene su osiguranjem samo onda, ako je uređaj pregledan od strane nadležnog organa i primljen kao ispravan.
- (4) Osiguravač je u obavezi takođe da naknadi:
- troškove za eventualno privremeno najnužnije zastakljenje;
 - troškove za skidanje i ponovno namještanje predmeta koji smetaju pri postavljanju nove stvari (npr. zaštitna rešetka, zaštitna šipka, zaklon od sunca i slično);
 - troškove koje je osigurani imao za otklanjanje i smanjenje štete u visini određenoj prema članu 6. ovih Uslova.

1.2. Mjesto osiguranja**Član 3.**

- (1) Stvari koje se osiguravaju po ovim Uslovima smatraju se osiguranim samo dok se nalaze na mjestu označenom u ispravi o osiguranju kao mjesto osiguranja.
- (2) U slučaju proširenja ili promjene mjesta osiguranja posebno se ima ugovoriti da osiguranje važi za prošireno, odnosno novo mjesto osiguranja.

1.3. Vrijednost osigurane stvari**Član 4.**

Vrijednost osigurane stvari je nabavna cijena osigurane stvari (stakla, ploče i sl.) odnosno cijena izrade nove slike na staklu, natpisa, ukrasa ili slova od stakla.

1.4. Utvrđivanje naknade iz osiguranja**Član 5.**

- (1) Šteta se obračunava prema visini troškova za namještanje novog stakla, odnosno druge stvari iste vrste i kvaliteta umjesto polomljene, odnosno u visini troškova za izradu nove slike, natpisa, ukrasa ili slova od stakla. Eventualno smanjenje vrijednosti oštećene stvari (rabaćenje) ne uzima se u obzir.
- (2) Osiguravač može naknadu iz osiguranja izvršiti u novcu ili na taj način što će namjestiti novo staklo, odnosno nabaviti stvar (naknada u naturi). Ako se naknada vrši u naturi, ostaci prelaze u svojinu osiguravača. U svojini osiguravača prelazi i staklo upotrebjeno za privremeno zastakljivanje (član 2. stav (4) tačka 1). Ako se naknada vrši u novcu, osigurani prema dogovoru može zadržati vrijednost ostatka.
- (3) Šteta obračunata prema prethodnom stavu naknadiće se u punom iznosu, ako suma osiguranja nije manja od vrijednosti osigurane stvari (član 4.).
- (4) Ako je suma osiguranja manja od vrijednosti osigurane stvari u vrijeme nastanka osiguranog slučaja (podosiguranje), naknadiće se samo dio štete koji odgovara srazmjeri između sume osiguranja i vrijednosti osigurane stvari.
- (5) Ako su stvari osigurane na »prvi rizik« naknada će se platiti u visini nastale štete, a najviše do ugovorene sume osiguranja na »prvi rizik«. Odredbe o podosiguranju neće se primjenjivati kod ovog načina osiguranja.

1.5. Naknada troškova**Član 6.**

- (1) Osiguravač nadoknađuje troškove koje je osigurani učinio kada je osigurani slučaj nastao za preduzete mjere radi otklanjanja i smanjenja štete, pa i onda kada te mjere nisu bile uspješne.
- (2) Ukupna naknada na ime troškova iz prethodnog stava i na ime naknade obračunate prema članu 5. ovih Uslova, ne može premašiti sumu osiguranja. Troškovi za otklanjanje i smanjenje štete učinjeni po nalogu osiguravača, kao i troškovi privremenog zastakljenja, naknađuju se i onda kada zajedno sa naknadom iz člana 5. ovih Uslova, premašuju sumu osiguranja.
- (3) U slučaju podosiguranja troškovi za otklanjanje i smanjenje štete naknađuju se u istoj srazmjeri kao i štete, osim u slučajevima kada su učinjeni po nalogu osiguravača.

1.6. Ograničenje obaveze po osnovu drugih osiguranja**Član 7.**

Ako je osigurani zaključio i koje drugo osiguranje, kojim su i stakla osigurana (npr: osiguranje od požara i nekih drugih opasnosti), u slučaju štete naknada iz osiguranja isplaćuje se po osnovu tog drugog osiguranja. Iz osnova osiguranja stakla izvršit će se naknada samo onda ako pokriće po tom drugom osiguranju nije bilo dovoljno, i to do iznosa nepokrivenog dijela štete.

1.7. Važnost opštih uslova za osiguranje imovine**Član 8.**

Ukoliko nisu u suprotnosti sa ovim Uslovima, na osiguranja zaključena po ovim Uslovima primjenjuju se i Opšti uslovi za osiguranje imovine.

Ovi Uslovi za osiguranje stakla od loma stupaju na snagu danom donošenja, a primjenjuju se od dana osnivanja Društva.